



Broj: 02-11-2343/25

Datum: 29.09.2025. godine

Na osnovu člana 10a. Stav 1 tačka d) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) - u daljem tekstu: Zakon, člana 40. Statuta Općine Kladanj - Prečišćeni tekst («Službeni glasnik Općine Kladanj», br.9/11), Općinski načelnik donosi:

#### ODLUKU

o izuzeću od primjene Zakona o javnim nabavkama

##### Član 1.

Od primjene Zakona o javnim nabavkama izumaju se pravne usluge (usluge pravnog savjetovanja i zastupanja).

##### Član 2.

Postupak nabavke usluga iz člana (1) je u skladu sa članom 10a. stav (1) tačka d) Zakona o javnim nabavkama i izuzet je od primjene odredbi Zakona. Vrsta ugovora su usluge.

##### Član 3.

Procijenjena vrijednost nabavke bez PDV-a iznosi ukupno 6.000,00 KM. Sredstva za ove namjene su planirana u Budžetu Općine Kladanj za 2025. godinu, na budžetskom kontu: 613915. JRJN: 79110000 - 8 Usluge pravnog savjetovanja i zastupanja.

##### Član 4.

Služba za budžet, finansije i poduzetništvo je zadužena za praćenje i realizaciju predmetnih usluga, u skladu sa zakonom i općim aktima ovog Organa uprave.

##### Član 5.

Za predmetnu nabavku je predviđeno zaključivanje ugovora u skladu sa odredbama Zakona o javnim nabavkama, a isti će biti zaključen sa najpovoljnijim pružateljem usluge.

##### Član 6.

Ova Odluka stupa na snagu danom donošenja i ista će biti objavljena na web stranici Općine Kladanj.

#### Obrazloženje

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem Odluke o pokretanju postupka javne nabavke u pisanoj formi, dok je stavom (2) istog člana propisano je da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II., ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. stav (1) Zakona o javnim nabavkama, propisana su izuzeća od primjene odredbi ovog zakona, te je u tački d) navedenog člana, propisano izuzeće za ugovore za usluge pravnog savjetovanja i zastupanja.

Kako su predmet ove nabavke usluge pravnog savjetovanja i zastupanja za potrebe Općine Kladanj, utvrđeno je da su ispunjeni uslovi iz člana 18. stav (1) i (2) a u vezi sa članom 10a. stav (1) tačka d) Zakona o javnim nabavkama.

Cijeneći prethodno navedeno donesena je odluka kao u dispozitivu.

Dostaviti:

- Služba za budžet, finansije i poduzetništvo,
- a/a 1x;

OPĆINSKI NAČELNIK

Edis Šarić, dipl. ecc.

